



S Albanus morum innocentia & uitæ integritate cōspicius in itio Philippis in Macedonia Christum docuit. cum autē Arriani ijs in partibus præualerēt, unā cū Theonesto eius loci Episcopo urbe eiectus est. ipse itaq; Danubium ascendēs per magnam Germaniam ad Rhenum usq; profectus, Mogūtiæ substitit. Erat Christi doctrina iam antea quoq; ijs in locis proposita, & Ecclesia quædam à Materno & Crescente Apostolorū discipulis plantata. Verūm diuturna Cæsarū persecutione, & Barbarorum multiplici irruptione paulatim Ecclesia dissipata, & pñ sublata fuerūt, reducta antiqua gentilium superstitione. Itaq; S. Albanus pro sua eruditione de nouo quasi Euangelium prædicare, & uerbi Dei salutiferum semen spargere cœpit: idq; nō sine maximo incolarum eius loci fructu. Cum autem officio suo strenuē fungeretur, ab ingratis eius loci præfectis captus, & quoniā in fide cognita constanter perseveraret, martyrizatus fuit, anno post Christum natum quadringentesimo uicesimo quinto. Sigebert, Hist. Eccles. Magdeburg. Cent. 5.